

SCRIPT OF EVENING GOJRI NEWS BULLETIN 11AUG 1700 HRS

ایونینگ گو جری نیوز بلیٹن مورخہ 11 اگست 2025

یوہ آکا شوانی جموں ہے عبید الرحمان تے نصرت چوہدری تیں خبر سُنو۔

HEADLINES

- ۱۔ وزیر اعلیٰ عمر عبداللہ نے کہیو ہے کہ غیر محفوظ خوارک بیچن آلا افراد غے خلاف سخت قانونی کارروائی کی جے غے۔ موصوف نے ہدایت جاری کی ہیں کہ تمام ضلعان غے اندر کوارک معائنہ مہم شروع کی جیں۔
- ۲۔ یوم آزادی تقریبات غا سلسلہ مانہ جموں غے اندر سخت حفاظتی انتظامات کیا گیا ہیں۔
- ۳۔ جموں کشمیر ثقافتی محکمہ آئندہ کل آزادی کا امرت مہوتسو غا بینر تلے ترنگا مہوتسو 2025 غی میزبانی کرے غو۔
- ۴۔ خطہ جموں غے اندر ہر گھر ترنگا مہم غے تحت کئی ترنگا ریلیاں غو انعقاد کیو گیو ہے۔
- ۵۔ محکمہ موسمیات نے جموں جموں خطہ غے اندر 12 اگست تیں 15 اگست تک بھاری بارشاں غی پیشن گوئی کی ہے۔

CM FOOD SAFETY

وزیر اعلیٰ عمر عبداللہ نے اج ایک اعلیٰ سطحی میٹنگ غی صدارت کی تے موجودہ جاری کوارک تحفظ مہم غو جانیزولیو یاہ مہم وادی کشمیر غے اندر گوشت تے گوشت نال تیار کی جان آلی دیگر اشیاء وستے استعمال کیا جان آلا غیر محفوظ تے مضر گوشت غا ضبط کرن تیں بعد شروع ہوئی ہے وزیر اعلیٰ نے اس سلسلہ مانہ متعلقہ حکام نانہ ہدایت جاری کی ہیں کہ جہیزا لوک وی غیر محفوظ خوارک بیچن مانہ ملوث پایا جنیں اُن نانہ مثالی سزا ملنی چاہیے تے خوراک تحفظ ت معیار قوانین غے تحت اُن ور سخت کارروائی کی جے خوارک گا معیاری ضابطاں نانہ مزید مضبوط بنان خاطر وزیر اعلیٰ علی عمر عبداللہ نے حکم جاری کیو کہ لکھن پور تے قاضی گنڈ غا مقام ور چیک پوسٹ تے معائنہ لیباٹری قائم کی جنیں موصوف نے متعلقہ حکام نانہ مزید ہدایت جاری کرتا مانہ کہیو کہ تمام ضلعان گے اندر ڈپٹی کمشنراں غی سربراہی مانہ شہراں غے اندر خوراک غا چان چک معائنہ کیا جنیں تانجے عوام وستے صاف تے معیاری غذا نانہ یقینی بنایو جاسکے۔

I DAY ARRANGEMENTS

جموں صوبہ مانہ خاص طور ور پاکستان غے نال لگتا علاقان مانہ 79 ویں یوم آزادی تیں پہلاں امن مانہ خلل پاں غی کسی وی کوشش ناہہ ناکام بنان واسطے حفاظت غا تگڑا انتظام کردتا گیا ہیں آکاشوانی جموں گا نامہ نگار غے مطابق یوم آزادی غی تقریبات تیں پہلاں تلاشی تے گشت مانہ اضافو کردتو گیو ہے تے پولیس نے جموں شہر مانہ کسیوی ناخشگوار واقع تیں نمژن واسطے افی فوری رد عمل ٹیماں غی تعیناتی کردتی ہے جموں کشمیر مانہ زمینی تے فضائیہ نگرانی واسطے ہمہ گیر حفاظتی انتظامات کیا گیا ہیں اسی دوران ڈوڈہ ضلع مانہ وی یوم آزادی تیں پہلاں سخت حفاظتی انتظامات کیا گیا ہیں۔

FOOD SAFETY DRIVE

خوارک تحفظ قوانین غی خلاف ورزیاں ور کاروائی کرتا مانہہ اج ضلع پونچھ غے اندر
خوارک تحفظ مہکمہ نے کئی گوشت فروخت کرن آلی دوکاناں تے ریسٹورینٹ ور چان
چک چھاپہ ماریاں اس دوران متعلقہ حکام نیتقریباً سوکلو تیں متو گوشت ضبط کیو جہیرو
جے عوامی صحت وستے مضر تھو یوہ آپریشن فوڈ اسٹینٹ کمشنر طارق محمود غی
سربراہی مانہہ شروع کیو کیو جن نے ذاتی طورور اپنی ٹیم غے ہمراہ کئی جگہاں ور
چھاپہ ماریاں اس دوران کئی دوکاناں ور گوشت غا نمونہ وی لیا گیا ہیں جن غی جانچ
لیبٹری مانہہ کی جے غی ذرائع ابلاغ نال گل کرتا مانہہ طارق محمود نے اس طرح کہیو۔

DRUG AWARENESS CAMPAIGN

منشیات کنٹرول بیورو مرکزی وزیرداخلہ غی طرفوں جاری ہدایت ور عمل کرتا مانہہ قومی
سطح ور15تے16اگست نانہہ منشیات مخالف بیداری مہم منعقد کرارہی ہے۔ قومی سطح ور
اس مہم غو مقصد شہریاں نانہہ منشیات نال ہون آلا نقصان بارے بیدار کرنو ہے تے
منشیات مکت بھارت مہم غا سلسلہ مانہہ یاہ بہت اہمیت رکھے اس مہم غے دوران منشیات
مخالف بیداری نانہہ عام کرن خاطر ملک غے اندر تعلیمی داراں مانہہ کئی پروگرام منعقد
کرایا جنیں غا جن مانہہ کئی ورکشاپ سیمینار اشتہار تے مضمون نویسی غا مقابلہ تیں
علاوہ گلیاں مانہہ ناٹک نکڈ ناٹک سائیکل ریلی تندرستی غا کئی مقابلہ تے منشیات مکت
بھارت خاطر پورا ملک مانہہ دوڑ وی منعقد کرائی جنیں غی۔

ANNOUNCEMENT

علاقائی خبراں آلا شعبہ آکاشوائی جموں 14اگست 2025نانہہ ویبہاجن ویبھیسیکا سمرتی
دیوس گا عنوان نال 25منٹ غو ایک خصوصی پروگرام تہاڑی 12بجے نشر کرے غو اس
پروگرام مانہہ مارا مہمان وین غا معروف تاریخ دان ادیب تے سیاسی تجزیہ کار پروفیسر ہری
اوم ان تیں علاوہ پی ٹی آئی بیورو
چیف انیل بھٹ وی مزکورہ مضمون ور اپنا خیالات سانجا کریں غا اس پروگرام غی
میزبانی کریں غا مارا اینکر جگموہن شرما سامعین یوہ پروگرام میڈیم ویو 303میٹر
یعنی 990کلو ہٹر، ایف ایم 100.3میگا ہٹر تے ایف ایم 104.5میگا ہٹر ور سُن سکیں۔

TIRANGA MAHOTSAV

محکمہ ثقافت جموں کشمیر پلکیں ترنگا مہوتسو 2025منعقد کرن واسطے تیار ہے جہیڑو
آزادی غا امرت مابنسو غے تحت وے غو یاہ شانداد تقریب سویرے 6:30منٹ ور ایس کے
آئی سی سی سرینگر مانہہ تے سویرے 7:30منٹ ور بوٹینیکل گارڈن سرینگر مانہہ منعقد
وے غی جس مانہہ ترنگا یاترا ثقافتی نمائش تیایک رنگا رنگ ترنگا کنسرٹ شامل وے غو
جہیڑو حبالوطنی تے یکجہتی غا جذبہ نانہہ اُجاگر کرے غو۔ لیفٹیننٹ گورنر منوج سنہا
اس تقریب مانہہ مہمان خصوصی وین گا شہریاں نانہہ دعوت دتی گئی ہے کہ ان تقریبات
مانہہ شرکت کریں تے ہر گھر ترنگا مہم مانہہ شامل وین تے اس رنگا رنگ انداز مانہہ
ملک نانہہ سلام پیش کریں۔

TIRANGA RALLY

جموں پولیس نے ہر گھر ترنگا مہم غے تحت گورنمنٹ رنبر ہائر سیکیونڈری سکول گا سانجہ تال میل نال ایک ترنگا ریلی غو انعقاد کیو ایس ایس ایس پی جموں جوگیندر سنگھ نے ہری جھنڈی دس غے اس ریلی غی شروعات کی جس مانہ اسکولی طلبہ تے پولیس اہلکاراں نے برا جوش و خروش نال حصول اس موقعہ ور گل بات کرتا مانہ ایس ایس پی جموں نے اس طرح کہیو۔ اسے دوران ایک خاتون پولیس افسر نے اپنا خیالات کجھ اس طرح پیش کیا۔ یاہ ترنگا ریلی پریڈ تیں شروع ہونی تے کچی چھاونی تیں گزر غے واپس رنبر اسکول غا احاطہ مانہ اختتام پذیر ہونی یوم آزادی تیں پہلاں ضلع انتظامیہ ریاسی تے ریاسی پولیس نے وی ترنگا ریلی غو اہتمام کیو جس دوران پولیس اہلکاراں تے ضلع انتظامیہ غا دیگر عملہ نے اس ریلی مانہ شرکت کی اس موقعہ ور بولتا مانہ ڈی ایس پی ہیڈ کوارٹر ریاسی وشال سنگھ جموال نے اس طرح کہیو۔ ضلع راجوری غے اندر وی گورنمنٹ ڈگری کالج کالا کوٹ مانہ ترنگا ریلی غو اہتمام کیو گیو اس تیں علاوہ نوجوان خدمات ت کھیڈ محکمہ کالا کوٹ زون نے کالا کوٹ انتظامیہ نال مل غے ترنگا ریلی گو انعقاد کیو اسے طرح ڈی سی ڈوڈہ ہرویندر سنگھ غی قیادت مانہ وی ضلع ڈوڈہ گ ا ندر ترنگا ریلی گو انعقاد کیو گیو جس دوران بڑی تعداد مانہ لوکاں نے اس ترنگا ریلی مانہ شرکت کی ہے۔

DEVIKA CLEANLINESS

ضلع انتظامیہ ادھمپور نیاج دیویکا گھاٹ ور ایک صفائی مہمگو انعقاد کیو یاہ مہم ہر گھر صفائی قدم غے تھٹ ہر گھر ترنگا مہم غا حصہ غا طورور منظم کیگنی جس غو مقصد ہے او مل غے ارد گرد غا ماحول ناہے زیادہ صاف تے سر سبز بناویں اس صفائی مہم غی قیادت اے ڈی سی ادھمپور پریم سنگھ نے کی جن غے نال مختلف ضلعی افسران وی شامل تھان زندگی غا ہر شعبہ تیں تعلق رکھن آلا افراد جن مانہ غیر سرکاری تنظیم کارکن رضاکار تے طلبہ شامل ہیں نے اس پروگرام مانہ ہسولیو دیویکا گھاٹ تے اس غا ارد گرد غا تمام علاقان ناہے صاف کیو گیو۔

WEATHER

محکم موسمیات نے 12 اگست تیں 15 اگست توڑی جموں خطہ غا کئی علاقان مانہ بارش تے گرج چمک غی پیشن گوئی کی ہے تے کئی مختلف مقامات ور شدید بارش غا امکان ہیں شہریاں ناہے خاص طورور میدانی علاقان مانہ رہن آلاں لوکاں ناہے محتاط رہن غو مشورو دتو گیو ہت تازہ ترین بارش غا اعدادو شمار غے مطابق جموں صوبہ مانہ بارش معمول غے مطابق منفی 1 فی صد ہے جدکہ کشمیر صوبہ مانہ بارش غی کمی منفی 32 فی صد ہے حکام نے عوام تیں اپیل کی ہے کہ اس دوران موسم غی ایڈوائزری تے حفاظتی ہدایات ور عمل کریں۔
